

ԱՐՁԱՆԱԳՐՈՒԹՅՈՒՆ ԹԻՎ 79

«ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ» ՀԻՄՆԱԴՐԱՄԻ ԻԶԵՎԱՆԻ ՄԱՍՆԱՃՅՈՒՂԻ
ԳԻՏԱԿԱՆ ԽՈՐՀՐԴԻ ՆԻՍՏԻ

15-ը փետրվարի 2025թ.

Նիստին ներկա էր գիտական խորհրդի 35 անդամներից 30-ը:

Նիստը վարում էր գիտական խորհրդի նախագահ Մ. Ս. Օթարյանը, նիստի քարտուղարն էր Մ. Ս. Աթոյանը:

ԵՊՀ ԻՄ գիտական խորհրդի նախագահ Մ. Ս. Օթարյանը քվեարկության դրեց նիստի օրակարգը.

1. ԵՊՀ ԻՄ զարգացման 2022-2026թթ. ռազմավարական ծրագրի 2024թ.-ի կատարման ընթացքի մասին:

(Զեկուցող՝ ԵՊՀ ԻՄ տնօրենի խորհրդակցական՝ Ա.Հ. Մակարյան)

2. ԵՊՀ ԻՄ-ում դասավանդման որակի և արդյունավետության վերաբերյալ 2023-2024 ուստարվա ուսանողական հարցումների արդյունքների մասին:

(Զեկուցող՝ ԵՊՀ ԻՄ ՈԻՄՎ պետ՝ Ա.Յ. Դավթյան)

3. ԵՊՀ ԻՄ 2024-2025 ուստարվա 2-րդ կիսամյակի անվանական կրթաթոշակ ստացող ուսանողների ցուցակի հաստատում:

(Զեկուցող՝ ԵՊՀ ԻՄ ՈԻՄՎ պետ Ա.Յ. Դավթյան)

4. Տնտեսագիտության ֆակուլտետի 2023-2024 ուստարվա հաշվետվությունն ըստ ԵՊՀ ԻՄ 2022-2026 ռազմավարական ծրագրի:

(Զեկուցող՝ ԵՊՀ ԻՄ տնտեսագիտության ֆակուլտետի ղեկանի պաշտոնակատար՝ Ա.Շ. Մարգարյան)

5. Հումանիտար գիտությունների ֆակուլտետի 2023-2024 ուստարվա հաշվետվությունն ըստ ԵՊՀ ԻՄ 2022-2026 ռազմավարական ծրագրի:

(Զեկուցող՝ ԵՊՀ ԻՄ հումանիտար գիտությունների ֆակուլտետի ղեկանի պաշտոնակատար՝ Ն.Ս. Գրիգորյան)

6. ԵՊՀ ԻՄ 2025-2026 ուստարվա ուսման վարձերի չափն ըստ մասնագիտությունների (կրթական ծրագրերի) հաստատելու մասին:

(Զեկուցող՝ ԵՊՀ ԻՄ տնօրեն Մ.Ս. Օթարյան)

Բաց քվեարկությամբ՝ 30 կողմ, 0 դեմ, 0 ձեռնպահ համամասնությամբ **որոշվեց.**

ՈՐՈՇՈՒՄ

➤ Հաստատել նիստի օրակարգը:

Օրակարգի առաջին՝ «ԵՊՀ ԻՄ զարգացման 2022-2026թթ. ռազմավարական ծրագրի 2024թ.-ի կատարման ընթացքի մասին» հարցի վերաբերյալ լսեցին ԵՊՀ ԻՄ տնօրենի խորհրդակցական՝ Ա.Հ. Մակարյանի հաղորդումը:

Ա. Մակարյանը նշեց, որ 2024 թվականին «Երևանի պետական համալսարան» հիմնադրամի Իջևանի մասնաճյուղը իր գործունեությունն իրականացրել է 2022-2026 թթ. զարգացման ռազմավարական ծրագրին համահունչ՝ շեշտը դնելով կրթության որակի

բարելավման վրա: Ռազմավարական պլանի շրջանակներում մասնաճյուղը հետևել է երեք հիմնական նպատակների՝ բարձրորակ կրթություն, գիտություն և նորարարություն, հանրային ներգրավում: Նշվեց, որ բարձրորակ կրթության ոլորտում մասնաճյուղը ցուցաբերել է 86% կատարողականություն: Կազմակերպվել են ուսանողների մասնագիտական կողմնորոշմանը նպաստող միջոցառումներ, անցկացվել են 65 հանդիպում և 26 դասախոսություն մարզի դպրոցներում: Մշակութային ակտիվության խթանման նպատակով իրականացվել են ցուցահանդեսներ, մրցույթներ և տոնավաճառներ՝ ընդգրկելով ուսանողների լայն շրջանակ:

Մասնաճյուղը համալրվել է 17 նոր մոնոբլոկ համակարգիչներով, smart TV-ներով, ինչպես նաև նոր լաբորատորիաներով՝ ներառյալ թվային անվտանգության կենտրոնը: Առկա են 22 արդիականացված լսարաններ, 4 համակարգչային սրահ և 2 մասնագիտական լաբորատորիա:

Գիտահետազոտական գործունեության ոլորտում իրականացվել է աշնանային դպրոց՝ միջազգային մասնակցությամբ: Չնայած որոշ ծրագրերի մասնակի կամ ամբողջական չիրականացմանը, մասնաճյուղը նախաձեռնել է նոր մեխանիզմներ գիտահետազոտական աշխատանքների խթանման համար: Այս ոլորտում մասնաճյուղը ցուցաբերել է 45,5% կատարողականություն: Այստեղ չեն իրականացվել գիտահետազոտական ինստիտուտների հետ համատեղ մագիստրոսական կրթական ծրագրերի իրականացումը, դասախոսական կազմի վերապատրաստումները՝ հողված գրելու կարողությունների զարգացման համար, «Տարվա հետազոտող» մրցանակաբաշխության կազմակերպումը, հետազոտական գործունեությունը համակարգող համամասնաճյուղային կենտրոնի (ՀԳՀԿ) ստեղծումը, միջգիտակարգային հետազոտությունների իրականացումը, ՀՀ բուհերի և գիտահետազոտական ինստիտուտների հետ համատեղ նախագծերի իրականացումը, գիտական արդյունքների առևտրայնացմանն ուղղված գործընթացների իրականացումը:

2024 թվականին մասնաճյուղը ակտիվորեն ներգրավվել է միջազգային ծրագրերում՝ մասնակցելով Էրազմուս+ շարժունության ծրագրերին և կնքելով համագործակցության հուշագրեր Բուլղարիայի, Սլովակիայի, Գերմանիայի և այլ երկրների համալսարանների հետ: Իջևանի մասնաճյուղի ուսանողները կրթություն են ստացել եվրոպական համալսարաններում՝ կիրառելով միջազգային փորձը:

Մասնաճյուղը իրականացրել է հանրային ներգրավման մի շարք ծրագրեր՝ ներառյալ կրթական և մշակութային նախաձեռնություններ, ինչպես նաև մասնաճյուղի նոր եռալեզու կայքի գործարկումը, որը մեզ օգնել են իրականացնել ԵՊՀ գործընկերները: Տպագրվել են տեղեկատվական բուկլետներ և կազմակերպվել են հանրային ցուցահանդեսներ: Ա. Մակարյանի ամբողջական հաղորդումը կարող էք տեսնել **հավելված 1-ում**:

Արտահայտվեցին՝ ԵՊՀ ԻՄ տնօրեն Մ.Օթարյանը, Ընդհանուր մաթեմատիկայի և բնագիտության ամբիոնի վարիչի ժ/պ ք.գ.թ., դոցենտ Գ. Սիմոնյանը, Տուրիզմի կառավարման և մշակութաբանության ամբիոնի վարիչի ժ/պ ա.գ.թ., դոցենտ Գ. Հովհաննիսյանը և այլք:

Մասնավորապես արտահայտվողները կարևորեցին այն հանգամանքը, որ չնայած որոշ մարտահրավերներին, ԵՊՀ ԻՄ-ը շարունակել է իր ռազմավարական նպատակների իրականացումը՝ նպաստելով կրթական, գիտական և հանրային ներգրավման գործընթացների զարգացմանը:

Բաց քվեարկությամբ՝ 30 կողմ, 0 դեմ, 0 ձեռնպահ, **որոշվեց**
ՈՐՈՇՈՒՄ

- ԵՊՀ ԻՄ տնօրենի խորհրդական Ա. Մակարյանի հաղորդումը «ԵՊՀ ԻՄ զարգացման 2022-2026թթ. ռազմավարական ծրագրի 2024թ. -ի կատարման ընթացքի մասին» հարցի վերաբերյալ ընդունել ի գիտություն:

Օրակարգի երկրորդ՝ «ԵՊՀ ԻՄ-ում դասավանդման որակի և արդյունավետության վերաբերյալ 2023-2024 ուստարվա ուսանողական հարցումների արդյունքների մասին» հարցի վերաբերյալ լսեցին ԵՊՀ ԻՄ ՈՒՄՎ պետ Ա. Դավթյանի հաղորդումը:

Ա. Դավթյանը նշեց, որ ԵՊՀ Իջևանի մասնաճյուղում 2023-2024 ուսումնական տարում կազմակերպվել և իրականացվել են դասավանդման որակի և արդյունավետության վերաբերյալ ուսանողական հարցումներ՝ ուսումնամեթոդական վարչության և ֆակուլտետների համագործակցությամբ: Հարցումները անցկացվել են ըստ համալսարանում սահմանված կարգի, հատուկ կազմված հարցաշարերով և հաստատված ժամանակացույցով: Առկա ուսուցմամբ հարցումները իրականացվել են փետրվարի 10-ից մինչև մարտի 7-ը, իսկ հեռակա ուսուցմամբ՝ մարտի 22-ից մինչև ապրիլի 30-ը՝ առաջին կիսամյակի համար: Երկրորդ կիսամյակի հարցումները կազմակերպվել են հուլիսի 1-ից մինչև սեպտեմբերի 7-ը: Հարցումները իրականացվել են առցանց եղանակով՝ ուսանողների համալսարանական էլեկտրոնային հասցեների միջոցով: Ընդհանուր առմամբ, առկա ուսուցման 1136 ուսանողից մասնակցել է 483-ը (42.52 %), իսկ հեռակա ուսուցման 894 ուսանողից՝ 178-ը (19.91 %):

Հարցաշարի առաջին երկու հարցերը վերաբերել են կոռուպցիոն երևույթներին, և արդյունքները ցույց են տվել, որ մասնաճյուղում նման դեպքեր չեն արձանագրվել: Կրթական ծրագրերի ղեկավարների աշխատանքի արդյունավետությունը գնահատվել է 92% դրական պատասխաններով՝ 173 ուսանողից 159-ը բարձր են գնահատել նրանց աշխատանքը:

Դեկանատների և ամբիոնների գործունեության գնահատականները տարբեր են եղել առկա և հեռակա ուսուցման համակարգերում: Առկա ուսուցման համակարգում դեկանատներից ամենաբարձր գնահատականը ստացել է Տնտեսագիտության ֆակուլտետը, իսկ ամենացածրը՝ Հումանիտար գիտությունների ֆակուլտետը: Հեռակա ուսուցման դեպքում ամենաբարձր ցուցանիշը կրկին գրանցվել է Տնտեսագիտության ֆակուլտետում, իսկ ամենացածրը՝ Բնական գիտությունների ֆակուլտետում:

Ամբիոնների մակարդակով առկա ուսուցման համակարգում ամենաբարձր գնահատականներ են ստացել Ընդհանուր մաթեմատիկայի և բնագիտության, ինչպես նաև Տուրիզմի կառավարման և մշակութաբանության ամբիոնները: Ամենացածր գնահատականը գրանցվել է Ընդհանուր տնտեսագիտության ամբիոնում: Հեռակա ուսուցման համակարգում բարձր գնահատական է ստացել Արտակարգ իրավիճակների, մարմնակրթության և սպորտի ամբիոնը, իսկ ամենացածրը՝ Ծրագրավորման և ինֆորմացիոն տեխնոլոգիաների ամբիոնը:

Ուսանողները ներկայացրել են մի շարք առաջարկություններ դասավանդման որակի բարելավման համար: Դրանք ներառում են՝

- երիտասարդ և բանիմաց դասախոսների ներգրավում,
- գործնական և սեմինար դասաժամերի ավելացում,
- տեխնիկական հագեցվածության բարելավում՝ լսարանների ապահովում ժամանակակից սարքավորումներով (պրոյեկտորներ, համակարգիչներ),
- դասախոսությունների մատուցում սահիկաշարերի միջոցով,

- մասնագիտական գրականության ավելացում,
- օբյեկտիվ գնահատման մեխանիզմների ներդրում,
- «Հայոց լեզու և գրականություն» ծրագրով մանկավարժի որակավորման տրամադրում,
- «Անզլերեն և գրականություն» ծրագրի դասընթացների ժամանակացույցի հարմարեցում՝ խուսափելով ծանրաբեռնվածությունից:

Ա. Դավթյանի հաղորդումը ամբողջական կարող էք տեսնել **հավելված 2-ում**:

Արտահայտվեցին՝ ԵՊՀ ԻՄ տնօրեն Մ. Օթարյանը, տնօրենի խորհրդական Ա. Մակարյանը, Հումանիտար գիտությունների ֆակուլտետի դեկանի ժ/պ, պ.գ.թ., դոցենտ Ն. Գրիգորյանը, Տուրիզմի կառավարման և մշակութաբանության ամբիոնի վարիչի ժ/պ ա.գ.թ., դոցենտ Գ. Հովհաննիսյանը և այլք:

Նշվեց, որ այս հարցումները կարևոր են կրթական գործընթացի շարունակական կատարելագործման համար, և դրանց արդյունքները կնպաստեն դասավանդման որակի բարձրացմանը: Առաջարկվեց ուսանողների շրջանում իրականացնել համապատասխան աշխատանքներ՝ հարցումներին նրանց մասնակցության բարձր ցուցանիշ և առավել օբյեկտիվ պատկեր ապահովելու նպատակով:

Բաց քվեարկությամբ՝ 28 կողմ, 0 դեմ, 0 ձեռնպահ, **որոշվեց**

ՈՐՈՇՈՒՄ

- ԵՊՀ ԻՄ ՈՒՄՎ պետ Ա. Դավթյանի հաղորդումը «ԵՊՀ ԻՄ-ում դասավանդման որակի և արդյունավետության վերաբերյալ 2023-2024 ուստարվա ուսանողական հարցումների արդյունքների մասին» հարցի վերաբերյալ ընդունել ի գիտություն:

Օրակարգի երրորդ՝ «ԵՊՀ ԻՄ 2024-2025 ուստարվա 2-րդ կիսամյակի անվանական կրթաթոշակ ստացող ուսանողների ցուցակի հաստատում» հարցի վերաբերյալ լսեցին ԵՊՀ ԻՄ ՈՒՄՎ պետ Ա. Դավթյանի հաղորդումը:

Նա նշեց, որ ԵՊՀ ԻՄ-ում ունենք 13 անվանական կրթաթոշակ, որից 11-ը ԵՊՀ ԻՄ բյուջեի հաշվին, իսկ 2-ը արտաբյուջետային: 2024-2025 ուսումնական տարվա 2-րդ կիսամյակում անվանական կրթաթոշակի հավակնում է թվով 21 ուսանող, որոնք հիմնականում 4-րդ կուրս են: Ֆակուլտետների գիտական խորհուրդներում քննարկվել են անվանական կրթաթոշակի հավակնող ուսանողների թեկնածությունները: Արդյունքում, հաշվի առնելով ուսանողների առաջադիմությունը, գիտական և հասարակական ակտիվությունը ԵՊՀ ԻՄ գիտական խորհրդի հաստատմանն ենք ներկայացնում 13 անվանական կրթաթոշակ ստացող ուսանողների ցուցակը (տես Հավելված 3), որոնց բոլոր փաստաթղթերը համապատասխանում են պահանջվող չափանիշներին:

Արտահայտվեցին՝ ԵՊՀ ԻՄ տնօրեն Մ. Օթարյանը, Հումանիտար գիտությունների ֆակուլտետի դեկանի ժ/պ, պ.գ.թ., դոցենտ Ն. Գրիգորյանը և այլք:

Մասնավորապես Մ. Օթարյանը նշեց, որ օբյեկտիվության մասով խնդիրներ չեն կարող լինել, որովհետև չափանիշները հստակ են և չափելի: Իսկ Ն. Գրիգորյանը նշեց, որ հումանիտար գիտությունների ֆակուլտետում գործում է 7 կրթական ծրագիր, սակայն ֆակուլտետին հասանելի անվանական կրթաթոշակները քիչ են, լավ կլիներ յուրաքանչյուր կրթական ծրագրի համար տրվի անվանական կրթաթոշակ:

Բաց քվեարկությամբ՝ 29 կողմ, 0 դեմ, 0 ձեռնպահ, **որոշվեց**

ՈՐՈՇՈՒՄ N 79/1

Ղեկավարվելով «Երևանի պետական համալսարան» հիմնադրամի Իջևանի մասնաճյուղի կանոնադրության 23-րդ կետի 8-րդ ենթակետով և «Երևանի պետական համալսարան» հիմնադրամի Իջևանի մասնաճյուղի գիտական խորհրդի աշխատակարգի 4-րդ կետի 8-րդ ենթակետով՝ «Երևանի պետական համալսարան» հիմնադրամի Իջևանի մասնաճյուղի գիտական խորհուրդը որոշում է.

1. Հաստատել 2024-2025 ուստարվա 2-րդ կիսամյակի անվանական կրթաթոշակ ստացող ուսանողների ցուցակը, համաձայն **հավելված 3-ի**,
2. Որոշումն ուժի մեջ է մտնում հրամանագրման պահից:

Օրակարգի չորրորդ` «Տնտեսագիտության ֆակուլտետի 2023-2024 ուստարվա հաշվետվությունն ըստ ԵՊՀ ԻՄ 2022-2026 ռազմավարական ծրագրի» հարցի մասին լսեցին ԵՊՀ ԻՄ տնտեսագիտության ֆակուլտետի ղեկանի պաշտոնակատար՝ Ա.Շ. Մարգարյանի հաղորդումը:

Ա. Մարգարյանը նշեց, որ հաշվետու շրջանում ֆակուլտետը ցուցաբերել է կայուն առաջընթաց՝ դիմորդների և ուսանողների թվաքանակի աճի, ուսման առաջադիմության կայունության և կրթական ծրագրերի (ԿԾ) որակի բարելավման ուղղությամբ: Առկա են հաջողություններ դասավանդման մեթոդների նորարարության, էլեկտրոնային համակարգերի արդյունավետության բարձրացման և ուսանողների հետազոտական հմտությունների զարգացման ոլորտներում:

Ա. Մարգարյանը կարևորեց հետևյալ **ձեռքբերումները**.

- Դիմորդների թիվը հիմնականում համապատասխանում է պլանային ցուցանիշներին, հատկապես առկա ուսուցման համակարգում:
- Ակտիվ համագործակցություն է հաստատվել ՀՀ ԿԲ Դիլիջանի կենտրոնի և տարածաշրջանի զբոսաշրջային կազմակերպությունների հետ:
- Ուսանողների գիտական ակտիվությունը դրսևորվել է 20 գիտական հոդվածով, 2 ուսումնամեթոդական ձեռնարկով և 1 դասագրքով:
- Ֆակուլտետի 5 ուսանողներ ստացել են անվանական կրթաթոշակներ:

Իսկ **թերություններից և մարտահրավերներից** կարևորեց հետևյալ կետերը.

- «Զբոսաշրջություն» ԿԾ-ի դիմորդների ցածր ցուցանիշ:
- Հեռակա ուսուցման համակարգում ընդունելության և ուսանողների առաջադիմության նվազ ցուցանիշ:
- Ավագ սերնդի դասախոսների թվային հմտությունների պակաս:
- Շենքային պայմանների սահմանափակ հնարավորություններ:

Ա. Մարգարյանը կարևորեց հետևյալ առաջարկները և անելիքները.

- Կազմակերպել նախապատրաստական դասընթացներ դիմորդների համար:
- Խրախուսել հեռակա ուսուցման ուսանողների առաջադիմությունը հատուկ մեխանիզմների միջոցով:
- Աջակցել ավագ սերնդի դասախոսներին՝ թվային հմտությունների զարգացման հարցում:
- Շարունակել ԿԾ-երի բարելավման գործընթացը՝ հիմնվելով աշխատաշուկայի պահանջների վրա:
- Կազմակերպել գիտաժողովներ արդի հիմնախնդիրների վերաբերյալ:

- Ակտիվացնել կապը շրջանավարտների հետ՝ օգտագործելով ժամանակակից տեխնիկական միջոցներ:

Ա. Մարգարյանի ամբողջական զեկույցը կարող էք տեսնել **հավելված 4-ում**:

Արտահայտվեցին՝ ԵՊՀ ԻՄ տնօրեն Մ. Օթարյանը, տնօրենի խորհրդական Ա. Մակարյանը, գիտքարտուղար Մ. Աթոյանը, ընդհանուր մաթեմատիկայի և բնագիտության ամբիոնի վարիչի պաշտոնակատար Գ. Միմոնյանը, Տուրիզմի կառավարման և մշակութաբանության ամբիոնի վարիչի ժ/պ ա.գ.թ., դոցենտ Գ. Հովհաննիսյանը և այլք:

Արտահայտվողները ընդհանուր առմամբ կարևորեցին այն հանգամանքը, որ Ֆակուլտետն ընթանում է զարգացման կայուն ուղով՝ պահպանելով որակյալ կրթության ապահովման ռազմավարությունը: Մակայն առկա մարտահրավերները՝ հատկապես հեռակա ուսուցման և թվային հմտությունների զարգացման ոլորտներում, պահանջում են անհապաղ ուշադրություն: Դիմորդների ներգրավման, ԿԾ-երի բարելավման և ակադեմիական կազմի հմտությունների զարգացման ուղղությամբ ձեռնարկվող քայլերը կարևոր են կրթական ծրագրերի մրցունակության և ուսանողների հաջողությունների ապահովման համար:

Բաց քվեարկությամբ՝ 28 կողմ, 0 դեմ, 0 ձեռնպահ, **որոշվեց.**

ՈՐՈՇՈՒՄ N 79/2

Ղեկավարվելով «Երևանի պետական համալսարան» հիմնադրամի Իջևանի մասնաճյուղի կանոնադրության 23-րդ կետի 11-րդ ենթակետով և «Երևանի պետական համալսարան» հիմնադրամի Իջևանի մասնաճյուղի գիտական խորհրդի աշխատակարգի 4-րդ կետի 11-րդ ենթակետով՝ «Երևանի պետական համալսարան» հիմնադրամի Իջևանի մասնաճյուղի գիտական խորհուրդը որոշում է.

1. Տնտեսագիտության ֆակուլտետի դեկանի պաշտոնակատար, ֆ.մ.գ.թ., դոցենտ Ալեքսան Մարգարյանի 2023-2024 ուստարվա գործունեությունը գնահատել բավարար:
2. «Երևանի պետական համալսարան» հիմնադրամի Իջևանի մասնաճյուղի տնտեսագիտության ֆակուլտետի դեկանի պաշտոնակատար, ֆ.մ.գ.թ., դոցենտ Ալեքսան Մարգարյանի հաղորդումը «Տնտեսագիտության ֆակուլտետի 2023-2024 ուստարվա հաշվետվությունն ըստ ԵՊՀ ԻՄ 2022-2026 ռազմավարական ծրագրի» հարցի վերաբերյալ ընդունել ի գիտություն:

Օրակարգի հինգերորդ՝ «Հումանիտար գիտությունների ֆակուլտետի 2023-2024 ուստարվա հաշվետվությունն ըստ ԵՊՀ ԻՄ 2022-2026 ռազմավարական ծրագրի» հարցի մասին լսեցին ԵՊՀ ԻՄ հումանիտար գիտությունների ֆակուլտետի դեկանի պաշտոնակատար՝ Ն.Ս. Գրիգորյանի հաղորդումը:

Ն. Գրիգորյանը նշեց, որ Ֆակուլտետն ունի 346 առկա և 215 հեռակա ուսանող, իրականացնում է 7 կրթական ծրագրերով ուսուցում. պատմություն, հայոց լեզու, օտար լեզուներ, հոգեբանություն, մանկավարժություն և այլն: Ուսանողների առաջադիմությունը կազմել է 87.9%: Ակադեմիական համակազմը ներառում է 6 պրոֆեսոր և 40 դոցենտ: Ֆակուլտետն ունի 4 ամբիոն՝ հայոց պատմության, հայոց լեզվի, մանկավարժության և օտար լեզուների:

Գիտական աշխատանքներով հրապարակվել է 72 հոդված, 5 ուսումնական և 2 մեթոդական ձեռնարկ: Մասնակցել են 7 հանրապետական և 14 միջազգային գիտաժողովների:

2024թ. ավարտել են 251 առկա և 164 հեռակա ուսանող: Կարմիր դիպլոմ ստացել է 19 առկա և 1 հեռակա ուսանող:

Նշվեց, որ հիմնական դժվարությունները ներառում են ուսանողների ցածր մոտիվացիան, Moodle համակարգի ոչ ամբողջական կիրառումը, տեղացի կադրերի պակասը:

Հաջողություններից է Erasmus+ ծրագրով ուսանողի ուսումնառությունը Լեհաստանում, ինչպես նաև Ռուսաստանում գիտական ստաժավորում անցած դասախոսի հրապարակած հոդվածը:

Հաջորդ քայլերի շարքում են՝ ավելի ակտիվ աշխատանք տարածաշրջանի դպրոցների հետ, կրթական ծրագրերի բարելավում, միջազգային համագործակցությունների ընդլայնում, գիտական սեմինարների կազմակերպում:

Կարևորվեց նաև ուսանողների հոսունության խնդիրը: Օրինակ՝ «Պատմություն» մասնագիտությամբ առկա ուսուցման դեպքում վերականգնվել է 4 ուսանող, տեղափոխվել՝ 3 ուսանող, հեռացվել՝ 2 ուսանող: Հատուկ կարիքներ ունեցող ուսանողների համար ֆակուլտետում ապահովված է անհատական մոտեցում՝ առանձին աշխատանքների և դասախոսների հատուկ ուշադրության շնորհիվ: Գործատուների հետ համագործակցությունը հիմնականում կազմակերպվել է պրակտիկաների շրջանակներում՝ տարածաշրջանի դպրոցների, քոլեջի, մանկապարտեզների և այլ կազմակերպությունների հետ: Այնուհետև Ն. Գրիգորյանը նշեց նաև լսարանային ֆոնդի օպտիմալ բաշխման խնդիրը, որը հետևանք է համեմատաբար շատ կրթական ծրագրեր ունենալու և ըստ առկա նորմատիվների խմբերի տրոհմանը:

Ն. Գրիգորյանի ամբողջական զեկույցը կարող էք տեսնել **հավելված 5-ում**:

Արտահայտվեցին՝ ԵՊՀ ԻՄ տնօրեն Մ. Օթարյանը, ԵՊՀ պրոռեկտոր Ռ. Բարխուդարյանը, ՈԻՄՎ պետ Ա. Դավթյանը, Տնտեսագիտության ֆակուլտետի դեկանի Ժ/պ Ա. Մարգարյանը, Ընդհանուր մաթեմատիկայի և բնագիտության ամբիոնի վարիչի Ժ/պ Գ. Միմոնյանը և այլք:

Ռ. Բարխուդարյանը նշեց, որ լսարանների բաշխման խնդիրները առկա են նաև Երևանում: Ա. Դավթյանը փաստեց, որ ֆակուլտետում բոլոր խմբերը ձևավորվել են համաձայն գործող չափորոշիչների: Մ. Օթարյանը նշեց, որ կարելի է ձևավորել հանձնաժողով, ֆակուլտետում առկա խնդիրները լուծելու համար:

Ընդհանուր առմամբ նշվեց, որ ֆակուլտետն ունի զարգացման լավ նախադրյալներ, սակայն պետք է լուծել մի շարք կառուցողական խնդիրներ:

Բաց քվեարկությամբ՝ 29 կողմ, 0 դեմ, 0 ձեռնպահ, **որոշվեց**

ՈՐՈՇՈՒՄ N 79/3

Ղեկավարվելով «Երևանի պետական համալսարան» հիմնադրամի Իջևանի մասնաճյուղի կանոնադրության 23-րդ կետի 11-րդ ենթակետով և «Երևանի պետական համալսարան» հիմնադրամի Իջևանի մասնաճյուղի գիտական խորհրդի աշխատակարգի 4-րդ կետի 11-րդ ենթակետով՝ «Երևանի պետական համալսարան» հիմնադրամի Իջևանի մասնաճյուղի գիտական խորհուրդը որոշում է.

1. «Երևանի պետական համալսարան» հիմնադրամի Իջևանի մասնաճյուղի հումանիտար գիտությունների ֆակուլտետի դեկանի նախկին պաշտոնակատար, բ.գ.թ., դոցենտ Կարինե Պողոսյանի 2023-2024 ուստարվա գործունեությունը գնահատել բավարար:

2. «Երևանի պետական համալսարան» հիմնադրամի Իջևանի մասնաճյուղի հումանիտար գիտությունների ֆակուլտետի դեկանի պաշտոնակատար պ.գ.թ., դոցենտ Ն.Ս. Գրիգորյանի հաղորդումը «Հումանիտար գիտությունների ֆակուլտետի 2023-2024 ուստարվա հաշվետվությունն ըստ ԵՊՀ ԻՄ 2022-2026 ռազմավարական ծրագրի» հարցի վերաբերյալ ընդունելի գիտություն:

Օրակարգի վեցերորդ` «ԵՊՀ ԻՄ 2025-2026 ուստարվա ուսման վարձերի չափն ըստ մասնագիտությունների (կրթական ծրագրերի) հաստատելու մասին» հարցի մասին լսեցին ԵՊՀ ԻՄ տնօրեն` Մ.Մ. Օթարյանի հաղորդումը:

Նա մասնավորապես նշեց, որ հարցը քննարկվել է ԵՊՀ ԻՄ տնօրենության` 2025 թ. հունվարի 18-ի նիստում: Եվ հաշվի առնելով տարածաշրջանի բնակչության սոցիալական վիճակը և սահմանամերձ մարզին բնորոշ այլ հանգամանքներ` որոշվել է առաջարկել ԵՊՀ ԻՄ գիտական խորհրդին ոչ մեծ (20.000-30.000 դրամ) չափով փոփոխություններ իրականացնել ԵՊՀ Իջևանի մասնաճյուղի` 2025-2026 ուստարվա ուսման վճարների չափերում (տես հավելված 6), որպեսզի հնարավորություն ունենանք ապահովել որակյալ կրթություն, որի համար անհրաժեշտ են որակյալ կադրեր համապատասխան վարձատրությամբ: Այնուհետև Մ. Օթարյանը ուշադրությունը հրավիրեց այն հանգամանքի վրա, որ ՀՀ բուհերի մեջ ԵՊՀ ԻՄ ուսման վճարները ամենացածրն են:

Արտահայտվեցին` ԵՊՀ ԻՄ տնօրենի խորհրդական Ա. Մակարյանը, ԵՊՀ պրոռեկտոր Ռ. Բարխուդարյանը, ՌԻՄՎ պետ Ա. Դավթյանը, Կիրառական արվեստի ֆակուլտետի դեկանի Ժ/պ Վ. Աղաբաբյանը, Ընդհանուր մաթեմատիկայի և բնագիտության ամբիոնի վարիչի Ժ/պ Գ. Սիմոնյանը, ՌԻԳԸ նախագահ Ս. Աբազյանը և այլք:

Մասնավորապես Ս. Աբազյանը նշեց, որ ընդհանուր առմամբ դեմ չեն նշված չափով բարձրացումներին, սակայն «Հայոց լեզու և գրականություն» կրթական ծրագրով դիմորդների և ուսանողների քանակը Մասնաճյուղում շատ քիչ է, այդ մասնագիտությամբ չունենք մանկավարժի որակավորում, հետևաբար ճիշտ կլիներ այդ մասնագիտությամբ վարձավճարները թողնել նույնը:

Մ. Օթարյանը նշեց, որ աշխատանքներ տարվում են այս մասնագիտությամբ ևս` մանկավարժի որակավորում տալու համար, ձեռնարկվում են նաև այլ միջոցառումներ ուսանողների թվաքանակը այս մասնագիտությամբ մեծացնելու համար, իսկ մյուս կողմից այս մասնագիտության վարձավճարները մեզ մոտ ամենացածրն են և ֆինանսապես շահավետ չեն:

Նշվեց, նաև, որ Մասնաճյուղում առկա է մագիստրոսական ծրագիր մանկավարժի որակավորմամբ, ինչպես նաև տարվում են աշխատանքներ մանկավարժի որակավորմամբ բակալավրի կրթական ծրագրերի քանակը մեծացնել:

Այնուհետև առաջարկեցին հաստատել ԵՊՀ ԻՄ 2025-2026 ուստարվա ընդունելության ուսման վարձավճարների չափերի նախագիծ համաձայն հավելված 6-ի:

Բաց քվեարկությամբ` 24 կողմ, 0 դեմ, 4 ձեռնպահ, **որոշվեց**

ՈՐՈՇՈՒՄ N 79/4

Ղեկավարվելով «Երևանի պետական համալսարան» հիմնադրամի Իջևանի մասնաճյուղի կանոնադրության 23-րդ կետի 3-րդ և 6-րդ ենթակետով և «Երևանի պետական համալսարան» հիմնադրամի Իջևանի մասնաճյուղի գիտական խորհրդի աշխատակարգի 4-

րդ կետի 3-րդ և 6-րդ ենթակետով՝ «Երևանի պետական համալսարան» հիմնադրամի Իջևանի մասնաճյուղի գիտական խորհուրդը որոշում է.

1. Հաստատել «Երևանի պետական համալսարան» հիմնադրամի Իջևանի մասնաճյուղի 2025-2026 ուստարվա ընդունելության ուսման վարձավճարների չափերը՝ համաձայն հավելված 6-ի:
2. Որոշումն ուժի մեջ է մտնում հաստատման պահից:

Բաց քվեարկությամբ՝ 24 կողմ, 0 դեմ, 4 ձեռնպահ, **որոշվեց**
ՈՐՈՇՈՒՄ N 79/5

Ղեկավարվելով «Երևանի պետական համալսարան» հիմնադրամի Իջևանի մասնաճյուղի կանոնադրության 23-րդ կետի 6-րդ ենթակետով և «Երևանի պետական համալսարան» հիմնադրամի Իջևանի մասնաճյուղի գիտական խորհրդի աշխատակարգի 4-րդ կետի 6-րդ ենթակետով՝ «Երևանի պետական համալսարան» հիմնադրամի Իջևանի մասնաճյուղի գիտական խորհուրդը որոշում է.

1. Հաստատել «Երևանի պետական համալսարան» հիմնադրամի Իջևանի մասնաճյուղի 2025-2026 ուստարվա ուսման վարձերի չափն ըստ մասնագիտությունների (կրթական ծրագրերի) և կրեդիտների՝ համաձայն հավելված 7-ի:
2. Որոշումն ուժի մեջ է մտնում հաստատման պահից:

ԳԻՏԱԿԱՆ ԽՈՐՀՐԴԻ ՆԱԽԱԳԱՀ _____ Մ. Մ. ՕԹԱՐՅԱՆ

ԳԻՏԱԿԱՆ ԽՈՐՀՐԴԻ ՔԱՐՏՈՒՂԱՐ _____ Մ. Ս. ԱԹՈՅԱՆ